

0 cm
1
2
3
4
5
6
7
8
9
10
11
12
13
14
15
16
17
18
19
2

AU BÉNÉFICE DES INONDÉS DU SUD.



JUTJOMÉN

DÉ


GUÉNILLO,

RANDUT

PER LA CABALCADO DÉ 1841.



TOULOUSE,
IMPRIMERIE DE J.-P. FROMENT,
Rue des Gestes, maison SALLÉ, 6.



AU BÉNÉFICE DES INONDÉS DU SUD.

—>>>|O|<<<—

JUTJOMÉN

DÉ

GUÉNILLO,


RANDUT

PER LA CABALCADO DÉ 1841.

TOULOUSE,

IMPRIMERIE DE J.-P. FROMENT,

Rue des Gestes, maison SALZE, 6.



Resp f/pt B0329-19

AU BÉNÉFICE DES INONDÉS DU SUD.

TRIBUNAL CARNIBORO

SÉÉNT

A SÉNT-SUBRA.

JUTJOMÉN

DÉ

GUÉNILLO,

RANDUT

PER LA CABALCADO DÉ 1841.



Toulouse,

IMPRIMERIE DE J.-P. FROMENT,
Rue des Gestes, maison SALZE, 6.



MÉMBRÉS DEL TRIBUNAL.

Li Greffi sa Papel de toutis lès Mèmbrés.

<i>Coumpousiciou del Tribunal.</i>	<i>Nouns des Jurats.</i>
BOUMBAÏÇO, <i>Présidén.</i>	GROSSOPANOUILLO, <i>Présidén.</i>
PACHAPAT, <i>Counseillé.</i>	EMBOUFFIT.
GALIMATIAS, <i>Counseillé.</i>	TOUTPERÉL.
GRASSOPOULO, <i>Proucurur del rey.</i>	GARGAMÉLO.
SANOMIRGOS, <i>Greffi.</i>	APÉTIT.
BRAMOFAN, <i>Aboucat.</i>	GRANGANITÉL.
PAPIÉMATCHAT, <i>Uché.</i>	FRINGALO.
AGANIT, <i>prumiè Récors.</i>	CARSANPA.
ESCANAOULIT, <i>ségoun Récors.</i>	TOUTACABO.
AMAGBIT, <i>troisièmo Récors.</i>	ABALOUËR.
ESTOURIT, <i>quatrièmo Récors.</i>	BÈRPÉLUT.
	FLAMBOLAMICO.
GRILLOTRUC, <i>prumiè Témouén.</i>	
LABELOJANO, <i>ségoun Témouén.</i>	
GAYTONOUBÉLOS, <i>troisièmo Témouén.</i>	
GUENILLO, <i>Accusat.</i>	



JUTJOMÉN DÉ GUÉNILLO.

Lé Présidén.

Cado pays a soun léngatgé,
Sa libertat et soun usatgé;
Dins lé nostré, quand Carnabal
Establisquéc soun tribunal,
Randèc aquel décrét: La bilo dé Toulouso,
Quand mé festéjara, sera fiéro et jouyouso;
Manjara dé capous, beoura qué dé boun bi,
Et cadun pènsara qu'à s'y pla débèrti.
Mès tant qué fara pas, pèr ma grandò journado,
Uno superbo Cabalcado,
Las ergnos, les chagrins la ménaran pèl nas,
Et n'oura qu'un saourét lé joun del Dimars-Gras.
Quand un homé sera prou latché
Dé supourta d'estré batut
Pèr sa coumpagno dé ménatgé,
Ayciou l'arrest qu'abén randut:
Dé fobour én fobour, cal qu'uno Cabalcado
Trufandièro aoutan qué parado,
Fasquo sabé publicuomén,
Del coundannat, lé jutjomén.

Tout én s'adressan al poplé.

Messius, sé proumètets dé garda lé silénço,
Bous respoundén aouey dé fini la séénço.

Lé Grefié.

ACTÉ D'ACCUSACIOU.

Dins un oustal dé Sént-Pébra,
Un marit magagnou, natif dé la Magagno (1),
Ambé sa couquéto coumpagno,
Un joun d'aban témouéns manquébon s'apéla.
Lé brut counfus d'aquel tapatgé,
Alarmèc tant lé bésinatgé,

(1) Pays dés oursés.

Qu'à péno finissio l'acciou
Qué Moussu'l Jutgé d'estrucciou,
Assistat dé soun Sécrétari
Et ranfourçat d'un Coumissari,
Mandat per nostré tribunal,
Arribèbén à téns per né dressa berbal.
Disén qu'uno passiou desséco la cerbèlo
D'aquel marit brutal aoutan qué sans rasou,
La probò, sé qu'és dous émbers sa joubéncèlo
A pu prèp coumo un hérissou.

(Uno bouts del poplé.)

Es joubéncèlo al pun qué Gratou lé Plumayré
L'y demandèc l'aounou d'estré soup grand floucayré.

L'Uché.

Silénço, débigno bertats !
N'és pas atal qu'on sé coumporto
A la barbo dés Magistrats,
D'ailleurs es déféndut dé parla dé la sorto.

Lé Grefié countinuo.

Sufis qué s'abalèc dus ou très déjunas,
Dé couléro ou dé ratjo, esquisso sa camiso,
Sé baillo cops dé puns, et per doublo bestiso
Rouzégucè un panié qué ténio dins las mas.
Sa fenno én lé groundan d'uno bouno manière,
Émmalisquèc alors sa doulénto coulèro ;
Car lé marit prou furious,
Y tén aquél prépaous coupablé et dangérous :
Mé bos réprimanda, digos fenno del diablé !
Aprén qué soun dé tout capablé,
Et quoiqué sioy qu'un roussignol,
Mé crési dins lé cas dé té torsé lé col.
Sa fenno qué ténio dins la ma qualqué beyré,
Toumbo sur soun marit, coumo un cop dé trounéyré,
Lé graoupigno, lé truco et lé boubèc tant fort,
Qué lé layssèc miey mort.
Un parel batomé, quoiqué sio pas dé modo,
Sé bouléts pas bioula la lé dé Carnabal,
Cal qué sio coundannat per bostré tribunal,
Tal es l'articlé dex, titré douxé del codo.

Lé Présidén à l'Accusat.

Accusat, élèbo toum froun,
Et respoun-mé: Quin es toum noun?

L'Accusat.

Moussu, dins ma famillo,
Y a siés ans rébouluts qué m'apélou Guénillo.

Lé Présidén.

Toum atgé?

L'Accusat.

Trénto ounzé ans.

Lé Présidén.

Toum mestié?

L'Accusat.

Gaousi pas bous lé diré.

Lé Présidén.

Dits-lé toutjoun.

L'Accusat.

Ancien énfirmiè.

Lé Présidén, d'un ayré éstounat.

Hé dé quin hespital?

L'Accusat.

D'un hespital dé carniboro,
Doun l'afrous soubéni cado joun mé déboro.

Lé Présidén.

Qu'acos t'énquité pas, lé poplé es résquitat
Atténdut qué té rand ço qué y abios préstat.
L'acté d'accusaciou t'énnégris dé manièro
Qu'ignori sé pouyras, én countan toum histouèro,
Daban lé tribunal, répréndré ta blancou.

(Uno bouts del poplé).

Crési qué réstara blanc coumo dé carbou.

L'Uché.

Silénço!

Lé Présidén.

Fay lé récit dé l'abanturo
Qu'à proubouquat la proucéduro;
Racounto-nous ta bido, et nousaous jutjarén
S'al banc dés accusats figuros inoucén.

L'Accusat.

Dins lé pays des loups ount prénguébi nayssénço,
Taléou qu'aonjébi més un brin dé counéyssénço,

L'idéo mé dignèc qué pouyrioy m'énritchî ,
Sé bénioy dins Toulouso, afin dé m'establi.
Labéts tardébi pas à préndré mas caouquillos
Et dé métré sur you mas plus bèlos guénillos ;
Arribi dounc ayciou noun pas én moussurot
Més coumo un tros dé peillartot.

Dins l'espouèr qu'un boum joun farioy roula carrosso ,
Mé métébi d'abord artistico sur la brosso ;

Qu'èri fièr quand téniyo un qualcun dé fangous ,
Ou si nou dé pla poussiérous ;
Èri labets dins moun délici

Atténdut qué bésioy én fasén moun oufici ,
Qu'un cop dé brosso ou dé pincèl

Èro paguat countan , coumo un cop dé capel.

You , per mé proucura d'oubratgé,
Furétabi per tout, per poudé fayré un biatgé ;
Cridabi à qui qué sio , Moussu ! pourta l'paquet ;
Qué crésèts qu'èri fort, aoutant qu'un bourriqué ;
Car ey abut pourtat sur ma robusto esquino,
Jusqu'à trés sacos dé farino.

(Uno bouts del poplé).

Praco nou méntis pas , car , quand l'azé Marti ,
Al mouli del Bazaclé , un joun manquèc mourî,
Es el qué démandèc l'aounou d'éstré à sa placo.

L'Accusat al Tribunal.

D'aquélis turbulans diourïots puni l'aoudaço,
N'apartén qu'as témouéns dé diré la bertat.

Lé Proucurur del Rey à l'Uché.

Uché ! qui fara brut , qué sio léou arrestat.

L'Uché al Proucurur del Rey.

Proucurur Grassopoulo ,
A bostré ordré , Aganit ,
Accoumpagnat d'Escanaoulit ,
Ban sé téni dé mest la foulo

Per impaousa silénço an aquélis brailards.

Lé Présidén à l'Accusat.

N'ésoutés pas lés babillards ,
Countinuo toun récit.

L'Accusat.

Al bout dé qualqué téns l'estat dé la banquéto
Mé counbéguèc pas may , quiti dounc l'espoulséto ,

Et mé placi coumis per émbala dé drap ;
Say pas s'a moun patrou l'y métébon pel cap
Qu'èri un homé éntriغان et qué farioy én sorto
Dé m'énritchi chez el, mé boutèc à la porto ;
D'un afroun coumo aquel mé sérioy pla bénjat,
Més préférèbi alors damoura sul pabat.

La sét dé gagna d'or pourtan mé débourabo ,
Car dins tout loc mé transpourtabo.

Cépendan' arribèc aquèl malurous joun,
Dé préndré fenno del fobour,
Oun ténén désèmpèy un débit dé ganarros.

Lé Prèsidén.

Qué bos diré pr'aqui ?

L'Accusat.

Qué ténì dé moça, tout coumo dé riquiqui.

Lé Prèsidén.

A la bounouro, countinuo.

L'Accusat.

Las idéos del gan soun pla soubén amaros ,
Né soun estadòs tant per you ,
Qu'èy pouu d'én créba dé doulou.

Aro qu'abioy fourmat prou beuno cliantèlo ,
Ma fenno qué l'infer a boumit ayçi-bas ,
A lé froun dé fa la cruèlo.

A quatrè passés dé moun naz ,

Quand la bési soubén qué d'aouzelous atiro ,
Ès qué dibi resta coumo un angé dé ciro ?

Quand l'idèò l'y play dé mé fayré jacou ,
Ès qué dibi jouga lé rôlé dé capou.

Nanis, sé nous batén dédins nostré ménatgé ,

Aco régardo pas digus del bésinatgé ;

Anfin, sabets, Messius, qué dins talis afas ,

Digus n'a pas lé drèt d'y présenta lé naz.

Lé Prèsidén.

Acos tout ?

L'Accusat.

Oui, Moussu.

Lé Prèsidén.

Prumiè témouén, lébo-té ;
Quand daban la magistraturo,
Bénés serbi dé témouén, juro

Dé diré la bertat ,
Sur tout ço qué saouras councernan l'accusat.

Lé Témouén.

Juri , oar s'abi pas ço qu'és qu'uno méntido :
A you poudéts pla bous fisa.

L'Accusat.

Coumo sur uno plancho pouyrido.

Lé Présidén al Témouén.

Toun noun ?

Lé Témouén.

Grillotruc.

Lé Présidén.

Natif ?

Lé Témouén.

Dé Mountastruc.

Lé Présidén.

Toun atgé ?

Lé Témouén.

Trento uno annado.

Lé Présidén.

Ta proufessiou ?

Lé Témouén.

Marchan dé limounado ,

A bostré serbici , Moussu.

Lé Présidén.

Aprèp lé jutjomén sé n'as un sémalou ,
L'aourèy pulèou bébut qu'un béyré dé liquou.

Lé Témouén.

Béléou boun caldra may tant la troubaréts bouno.

Lé Proucurur del Rey.

You per mé réfresca lé pot.

T'én budaréy un harricot.

Lé Témouén.

Messius , sérets counténs , car gna pas dé millouno.

Lé Présidén.

N'és pas parén dé l'accusat ?

Lé Témouén.

Nani , Moussu.

Lé Présidén.

Juros dé diré la bertat ?

Lé Témouén.

Oui, Moussu.

Lé Présidén.

Racounto-nous ço qué sabés.

Lé Témouén.

Mé troubabi chez el quand bufec la cartido,
D'un grand cop dé gousié, sa fenno alors y crido :
Aprén feignan, gourman, qué toun amour pel coq
Éscantira tous jouns ou pel fer ou pel foc.
Qué débéndrios sans you, sansé ta ménatgèro ?
Té bérion ramassa d'ossés per la carrièro ;
Ou d'oustal én oustal, coumo un espeilloundrit,
Anirios démanda l'aoumoyno d'un ardit.
Soun homé qu'alabets dé coulèro brumabo,
Per la roumpré dé cops à grand pas s'abançabo ;
Més élo quand dé lèn bėjèc lé mal-parat,
Y saouto à la figuro aoutan lesto qu'un gat ;
Sur sas gaoutos fasquèc tant bibos graoupignados,
Qu'aourion dit sul moumén qué l'as abio laourados ;
Noun counténo labets dé l'abé désoundrat,
Amb'un pal sémaillé l'ajèc léou atérrat ;
Apey lé trigoussan coumo uno bestio morto,
Lé layssèc pantégan.... sul paillas dé la porto.
Taléou qu'el sé bėjèc et murtrit et sannous,
As pés dé soun bénqur ba sé métré à génous :
Té démandi perdou, fenno, car soun coupablé ;
Gracio ! mé tués pas ! perdouno un misérablé ;
Pouyras à l'abéni fa tout ço qué bouldras ;
Nou té direy pas rés, et quand mé floucaras,
Quand béyrey tous aouzels picouta moun feillatgé,
M'amagarey joul lieyt, coumo espion dé lougatgé :
Séras moun goubenur, té serbirey sans brut ;
Anfin, per tu sérey abuglé, sourd et mut.

Lé Présidén.

Acos tout ?

Lé Témouén.

Oui, Moussu.

Lé Présidén.

Ségoun témouén, toun noun ?

Lé Témouén.

Labélojano.

Lé Présidén.

Toun atgé ?

Lé Témouén.

Quaranto ans.

Lé Présidén.

Toun mestié ?

Lé Témouén.

Rébéndeyro dé mano,

A bostré serbici , Moussu.

Lé Présidén.

Douma m'én pourtaras chez you

Unis trento-cinq caps et cént pés dé moutou.

Sur toun aounou , sur ta counsciéngo

Juros dé diré la bertat ?

Lé Témouén.

Juri dé bous la diré én touto assigurénço ,

Car bous esclarcirey millou qué l'accusat.

Lé Présidén.

N'ès pas cap dé parén ?

Lé Témouén.

Nani , Moussu.

Lé Présidén.

Qué sabés sur soun counté ?

Lé Témouén.

Sé courroussan un joun al sutjet d'uno poulo ,

L'accusat à sa fenno y tén aquel discours :

Digos , as débrémbat qu'al téns dé tas amours ,

Coutchabos sur la paillo et traynabos la groulo ?

Sé dins nostré countrat you tey récounescut

Uno soumo d'argén , acos un énténdut ;

Car sur aquel moutif sabés ma prébénéngo ,

Et dibios malgré tout né garda lé silenço.

Més quand té bési ana chez un homé énnégrat ,

T'infourma sé pourios mé bésé léou ruinat ;

Oh ! d'un parel proujèt la furou mé transporto ,

Et podés couménça dé mé passa la porto.

Tandis qué tu boulios mé bésé pés talous ,

Per té puni , toun char ba serbi d'esclapous.

Nou tournaras pas may sur aquel équipatgé ,

T'espoumpa coumo un paou qu'esplandis soun plumatgé ,

Et quand bouldras ana passéja ta grandou ,

Réprédras lé trouski dé l'estirgougnadou ;
Aquel qué té plasio tout lé téns qu'éros fillo.
Sa fenno an aquel mot lé trato dé Guénillo ,
Dé tros dé mountagnol , dé fayssié , dé palot.
Tourno-t'én ça l'y dits , fayré lé peillarot ;
Bay-t'én à ta campagno , à trabets un bouscatgé ,
Acassa lés rénards , plasé dé toun jouén atgé ;
Tourno tua lés gorphs qu'an panat ta coulou ,
Ou té faou mousséga per moun fidel goussou ,
Aquel qu'én té jaoupan rélèbo sa moustatcho ,
Labets coumo un farou qué lé bérin rabatjo.
Guénillo , én s'hérissan coumo un enférounit ,
Dits à sa fenno : Atén , bas pagua ço qu'as dit ;
Més élo quand bėjèc trop s'éntruma l'aouratgé ,
Coumo un singé espaourit , l'y saouto sul bisatgé ;
Quand l'ajèc graoupignat , prén un tistou flambén ,
Et lé cramèc al pun qué lé layssèc mourén.

Lé Présidén.

Acos tout ?

Lé Témouén.

Oui , Moussu.

Lé Présidén.

Troisièmo témouén , toun noun ?

Lé Témouén.

Gaytonoubélos.

Lé Présidén.

Toun atgé ?

Lé Témouén.

Trénto-quatré ans.

Lé Présidén.

Toun estat ?

Lé Témouén.

Fabrican dé candélos.

Lé Présidén.

N'ès pas parén dé l'accusat ?

Lé Témouén.

Nani , Moussu.

Lé Présidén.

Juros dé diré la bertat ?

Lé Témouén.

Oui , Moussu.

Lé Présidén.

Racounto-nous ço qué sabés.

Lé Témouén.

Tout cop qué l'accusat per la pésko filabo,
Sa fenno sé réquinguillabo,
Sans douté per may agrada
As qué y anabon l'adoura.
Elo per l'intérès es bouno santinèlo :
Car per noun pas s'en fa l'argén d'uno caudèlo,
Cramo dins soun calel
D'holi dé grano dé soulel
Qu'un flouristo y dounèc del téns qué la floucabo ;
Qui sap tout ço qu'el despénsabo :
Dédins aquel oustal éro tant générous,
Qué dounabo à cadun dé manados dé flous ;
Es el qu'engarlandabo,
Et may qu'énramadabo
Touto aquélo maysou ;
Bu qu'éro del loutjis lé grand éNFLoucadou,
Un joun én bésitan la bilo dé Pagnéros,
Digus dé plus counfus et dé may estounat
Qué you, tout én bésén un flanur dé Cruyéros
Bras à bras, ambé la fénné dé l'accusat :
D'un parel randé-bous, qu'an passat jouts silénço,
Dibi, coumo témouén, boun douna couneyssénço,
Atténdut qué bous ey jurat
Dé diré la bertat.
Quand dé sént Bénazet arribabo la festo,
Toutis lés peillarots, cadun ambé sa besto
Dé télo, et soun bouquet dé flous jaounos én ma,
Bénion chez l'accusat afin dé lé flouca.
Guénillo aymo lé coq may qu'à sa ménatgèro,
Tabés élo per sé bénja,
Sufis qué y éscampèc dex bouteillos dé qièro,
Y dounèc dé pa sèc et d'aygo per soupa ;
Et tout én l'y disén : Moustré, cal qué patisquos,
Té pribarey dé tout ; car boli pas qué biscos
May lounténs ambé you ;
Sé té layssabi fa, sérion léou sans ressourço,
Et té caldrío tourna sul plaçot de la courso
Répourta lé paquet ; labets prén un bastou ;

L'accusat débenguèc rougé coumo farino ,
Surtout quand séntisquèc plaouré sur soun esquino
Uno grello dé trucs qué lé fan trouba mal,
Coumo un qualqu'un qué mort déjouts lé cop mourtal.

Lé Présidén.

Acos tout ?

Lé Témouén.

Oui , Moussu.

Lé Proucurur del Rey.

Disén qué touléra lé bici ,
Acos s'én randré lé coumplici ;
Messius , aquel prouberbi és talomén bertat ,
Qué digus nou la countestat.
Quand l'accusat dins soun ménatgé ,
N'és pas pu mestré qu'un maynatgé ,
Quand sa fenno l'y clabo armaris et bufet ,
Et qué dé la barriquo y sort lé roubinet ,
Quand serbis dé baylét à sa fenno mestresso ,
Guénillo alors coumé un acté dé bassesso ;
Més quand a supourtat l'afroun d'estré capou ,
Lé désaounou d'estré jacou ;
D'aprep aquélis fets , l'accusat és coupablé
Aoutan qué coundannablé.
Bous aoutrés , Messius lés Jurats ,
Qué l'ayré countrit dé Guénillo ,
Et lés plours et sanglots dé touto sa famillo ,
Bous fasquon pas bioula l'aounou qué poussédats ;
Cal pas tapaouc qué la défénço
Posco d'ambé soun élouquénço
Bous fayré trandoula dins bostro fermétat ;
Car s'abets dé souliditat ,
Coumo lé roc dé Fouïs , beyrets qué pel coupablé
Sérêts fourçats dé randré un arrest équitable.
Sé , del rey Carnabal , séguission pas la lé ,
Qué débéndrion nousaous , qu'exerçan sa justico ,
N'aourion pas per sa festo un poucé dé salcisso ,
Et digus prendrion pas un moumén dé plasé.
Conclui dounc qué la sénténço
Qué randèc nostré rey del téns dé soun bibén ,
S'apliqué à l'accusat , bu qu'és pas inoccén ,
Et qu'à pla méritat dé né fa péniténço.

L'Aboucat.

Lés homés soun éga's quand soun daban la lé;
Cadun quand n'a bésoun, d'aquélo lé s'aprotcho;
Més quand un tribunal la fourro dius la potcho,
Défisi un aboucat dé la fayré balé.

(Lé Présidén s'éndron sur soun siègé).

A bostre ayré, Messius, couneyci per abanço,
Qu'anats coundanna moun clian;
La probó, cé qu'on bey lé présidén Boumbanço
S'éndroumi sul faoutul coumo sur soun plian.

Lé Présidén, én sé rébeillan :

Aboucat, moudèro tas paraoulos.

L'Aboucat réprén.

Moussu lé proucurur, homé fort rémarquablé,
S'és pla troumpat én déclaran

Qué l'accusat èro coupablé;

Car oun soun lés témouéus qu'à you mé proubaran,
Qué Guénillo et sa fenno an abut dé tapatgé?

Qué lé truco soubén et qué lé fa *jacou!*

Sé cadun a parlat à sa trayto fayçou,

Podi diré, à moun tour, qu'és un fals témoignatgé.

Saourets qué Grillotruc, l'hiber es sans trabal;

Qué fa pas pla dé simonnado;

S'és béngut per témouén d'aban lé tribunal,

Acos per gagna sa journado.

Labèlojano, ambé rasou,

Cerquo dé sé gagna la bido;

Car s'abio soulomé'n dos houros la pépido,

L'a bériots à créba piri qu'un moussaillou;

Ma foué la blami pas d'acampa la magrièro.

Counclui dounc qué l'accusat

Nou diou pas estré coundannat

Dé subi la rigou d'aquélo lé sébèro

Qué fa mouna sur l'animal;

Ét sé per cas lé tribunal

Pot pas per moun clian abé cap d'indulgénço,

Aban qué rando la sénténço,

Séncéromén y démandan

Qué lé joun dé la Cabalcado,

Quand daban un féca toutis s'arrestaran,

Qu'ourdouné qué cadun préngo la réfrescado.

Aprèp qué les jutjés an prés lour délibéacion , Ié présidén
rand la sésenténço suibénto.

Lé Présidén.

Al noun dé Carnabal , prumiè rey des gourmands ,
Goubernan sur mar et sur terro ,
A qui digus n'a fayt la guerro ,
Qui sap d'émpéy quand dé milo ans.
Et bu l'articlé dex de soun tarrible codo ,
Qué coundanno à mounta sur un biel animal ,
L'homé qu'a récépiut dé sa fenno un coufal.
Randén un jutjomén suiban nostro méthodo.
Atténdut qué Guénillo es batut et grougnar ,
Lé coundannan auéy dé mounta sur un char ,
Précédât d'uno Cabalcado ,
Aoutan jouyouso qué floucado ,
Qué sé coumpousara
D'homés dé Sént-Subra ,
Per ana dins tout loc én musiquo poumpouso ,
Énibra dé plasé la bilo dé Toulouso.

Aquélo sésenténço es récépiudo per uno pétarrado dé brabos.

CANSOU DÉ LA CABALCADO.

D'un réfrén tout noubel ,
Fasqu'an rétrouni l'ayré ,
Al sutjet d'un pescayré
Qu'a pas soun parel ;
Dins sa maysou ,
Sa fenno crén pas gayré
Dé lé fa *Jacou*.

(Bis).

You farey pas may tapatgé ,
You farey pas may lé testut , lé brutal ,
Sérey fazé dé l'oustal.

Anfin dé s'énritchi ,
Et dé roula carrosso ,
D'artista sur la crosso
Bénguèc s'establi ;
Dins lé francbour ,
Ount sa fenno lé rosso
La neyt et lé jour.
Réfrén.

(Bis).

Per cassa soun marit ,
Un joun clo s'habillo ,

A l'aboucat babillo
Soun proujèt hardit :
Moussu , bouldrioy (Bis).
Métré foro Guénillo ,
Douma sé pouديو.
Réfrén.

Quand téndras lé cartou ,
Qué diou perdré ta bido ;
You farey ma partido
D'ambé moun gatou ;
Car dé moun èl , (Bis).
Quoiqué soun pas poulido ,
N'as pas lé prunèl.
Réfrén.

Gaousos mé mesprésa ;
Més s'èro pas mous brassés
Té bérion pés paillassés
Papié ramassa.
Coumo un bandit , (Bis).
Tout cuber dé pétassés ,
Quistarios l'ardit.
Réfrén.

Per toun sant Bénazet ,
Lé peillarot s'apresto ,
D'èngarlanda ta besto ,
D'un jaouné bouquet ;
Atal floucat , (Bis).
Tout lé joun dé ta festo
Séras rémarquat.
Réfrén.

Té démandi perdou ,
Fenno , car soun coupablé ,
Quand bouldras , soun capablé
Dé fa lé Jacou.
Soun résoulut , (Bis).
Dé fa per estré aymablé ,
L'abuglé et lé mut.
Réfrén.

Bu qué séras pacién ,
Ta fenno té perdouno ,
Et té met la courouno
D'un homé countén.
Tant qué biouras , (Bis).
Séras per ta mignouno
Condésit pel naz.

You farey pas may tapatgé ,
You farey pas may lé testut , lé brutal ,
Sérey l'azé dé l'oustal.

